

## ԻՆՉ ՊԵՏՔ Է ԱՆԵՆՔ, ԵՂԲԱՅՐՆԵՐ

### Բանալի խոսք.

(Գործ. 2:37-39)

Այս լսելով ներկաները զղջացին իրենց սրտերում և ասացին Պետրոսին և միւս առաքեալներին. «Ի՞նչ պետք է անենք, եղբայրներ»: Պետրոսը նրանց ասաց.

1. «Ապաշխարեցէ՛ք, (**μετανοέω, metanoēō - change of mind, մտքի փոփոխություն, փոխեցեք ձեր ընթացքը**)
2. և ձեզանից իւրաքանչիւրը թող մկրտուի Տէր Յիսուս Քրիստոսի անունով մեղքերի թողութեան համար,
3. և պիտի ընդունէք Սուրբ Հոգու պարգեւը (մկրտությունը). որովհետև խոստումը ձեզ համար է, ձեր որդիների և բոլոր հեռաւորների համար, որոնց կը կանչի մեր Տէր Աստուածը»:

**41 Ոմանք յօժարութեամբ ընդունելով նրա խօսքը՝ մկրտուեցին. և այն օրը նրանք մօտ երեք հազար հոգով աւելացան:**

### **I. ԱՌԱՋԻՆ ՄԿՐՏՈՒԹՅՈՒՆԸ ԴԱ ՀՈԳՈՒ ՎԵՐԱԾՆՈՒՆԴՆ Է:**

1. Հիսուսն ասաց, եթե մարդը վերստին չծնվի չի կարող տեսնել Աստծո արքայությունը (Հովհ. 3:3):
2. Եթե մարդը ջրից և Հոգուց չծնվի, չի կարող մտնել Աստծո թագավորությունը: (Հովհ. 3:5):
3. Մարմնից ծնվածը մարմին է, Հոգուց ծնվածը հոգի (Հովհ. 3:4,6):
4. Այդ Կիրակի օրը երեկոյան, երբ աշակերտները միասին հավաքվել էին և դռներն էլ փակել վախենալով Հրեա ղեկավարներից, Հիսուսը եկավ, կանգնեց նրանց մեջտեղը և ասաց նրանց. **Խաղաղություն ձեզ: Եվ սա ասելով նրանց ցույց տվեց իր ձեռքերն ու կողը: Աշակերտներն ուրախացան տեսնելով իրենց Տիրոջը: Հիսուս տարձյալ ասաց նրանց. Խաղաղություն ձեզ: Ինչպես իմ Հայրն ինձ ուղարկեց, Ես էլ ուղարկում եմ ձեզ: Ապա փչեց նրանց վրա և ասաց. Առեք Սուրբ Հոգին.**
5. Սուրբ Հոգին մեզ մկրտեց քրիստոսի մարմնի մեջ: Նա մեզ դրեց Քրիստոսի ձեռքերի մեջ:
  - Աստված մեր Փրկիչը, իր քաղցրությունն ու մարդասիրությունը հայտնեց և փրկեց ոչ թե մեր կատարած արդար գործերի համար, այլ պարզապես իր ողորմած լինելու համար: **Նոր ծնունդ տվեց մեզ մկրտությամբ և Սուրբ Հոգու միջոցով վերանորոգեց մեզ (Տիտոս 3:3-4):**

- Գաղ. 3:27 - Վասնզի ամենքդ՝ որ Քրիստոսում մկրտուեցաք, Քրիստոսին հագած էք:

**Օրինակ:** երեխան մոր որովայնում ապրում է ջրի մեջ և սնունդ է առնում իր մորից ու ձանաչում է իր մոր ձայնը:

## II. ԶՐԻ ՄԿՐՏՈՒԹՅՈՒՆԸ ՔՈ ՎԵՐԱԾՆՄԱՆ ԽՈՐՀՐԴԱՆԻՇՆ Է:

Մատ. 28:19-20 - Ուրեմն **գնացէք**

1. **բոլոր ազգերը** աշակերտեցէք,
2. նորանց մկրտելով Յօր եւ Որդու եւ **Սուրբ Հոգու անունով**.
3. Նորանց սովորեցնելով, որ **ամեն ինչ որ ձեզ պատուիրեցի՝ պահեն**. եւ **ահա եւ ձեզ հետ եմ** (Սուրբ Հոգու միջոցով) ամեն օր մինչեւ աշխարհիքի վերջը: Ամէն:

Մար. 16:15-16 - Եւ նորանց ասաց. գնացեք ամբողջ աշխարհով մեկ և բոլոր մարդկանց քարոզեցէք Ավետարանը (բարի լուրը): Ով որ հավատա և մկրտվի, կփրկվի, իսկ ով որ չհավատա կդատապարտվի (Հիսուսի կողքին խաչված ավազակը չմկրտվեց բայց հավատքով փրկվեց):

## III. ՍՈՒՐԲ ՀՈԳՈՒ ԽՈՍՏՈՒՄԸ (ՄԿՐՏՈՒԹՅՈՒՆԸ) ՔՐԻՍՏՈՍԻ ՈՒՍՄՈՒՆՔՆ Է:

- Մար. 16:15-16 - Նրանք, ովքեր հավատում են, հայտնի կլինեն հետևյալ նշաններով.
  1. Իմ անունով չար ոգիներ պիտի հանեն,
  2. Նոր լեզուներով պիտի խոսեն,
  3. Ձեռքով օձ պիտի բռնեն առանց խայթվելու (Ծննդոց 3:14-15),
  4. Եվ եթե մահացու որևէ թույն էլ խմեն, չպիտի վնասվեն,
  5. Հիվանդների վրա ձեռք պիտի դնեն և բժշկեն նրանց:
- Մար. 16:20 - Եվ նրանց քարոզչությունը հաստատվում էր իրենց տրված բոլոր նշաններով: